

**Uunga siunnersuut: Aningaasanik peqquserluutinik malunnarunnaarsaasарneq  
pinerliiniarnernillu aningaasalersuisarneq pinaveersaartinniarlugit iliuuserisassat  
pillugit Inatsisartut inatsisaata allanngortinnejnarnera pillugu Inatsisartut inatsisaat.**

*Aningaasaqarnermut Naligiissitaanermullu Naalakkersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap siunnersuutip  
aappassaaneerneqarneranut**

## **ISUMALIUTISSIISUTAA**

Ataatsimiititaliap suliarinninnermini inuttarai:

Inatsisartunut ilaasortaq Mariane Paviaisen, Inuit Ataqatigiit, siulittaasoq  
Inatsisartunut ilaasortaq Aqqalu Jerimiassen, Atassut, siulittaasup tullia  
Inatsisartunut ilaasortaq Lars Poulsen, Siumut  
Inatsisartunut ilaasortaq Knud Mathiassen, Inuit Ataqatigiit  
Inatsisartunut ilaasortaq Pele Broberg, Naleraq  
Inatsisartunut ilaasortaq Hans Aronsen, Inuit Ataqatigiit  
Inatsisartunut ilaasortaq Dines Mikaelsen, Siumut

UKA2022-mi oktobarip ulluisa arfernanni siullermeerinninnerup kingorna siunnersuut  
ataatsimiititaliamit misissorneqarpoq.

### **Siunnersuutip imarisaa siunertaalu**

Aningaasanik peqquserluutinik malunnarunnaarsaasарneq pinerliiniarnernillu  
atingaasalersuisarneq pinaveersimatinniarlugit iliuuserisassat pillugit Inatsisartut inatsisaata  
nutarterneqarnissaa siunnersuutigineqarpoq.

Inerteqqut taamaattoq inatsimmi allami malinneqareermat aningaasanik tigussaasunik  
akiliuteqartarnermut inerteqqut atorunnaarsinneqarpoq. Oqaaseq piginnittuiuneq pillugu  
oqaatsip isumaa nunani tamalaani inatsisinut maleruagassanut qanillattorneqarnissaa  
siunertaralugu ilaneqarpoq aamma misissuisussaatitaaneq nalunaaruteqartussaatitaanerlu  
annertusineqarlutik.

### **Inatsisartuni siunnersuummik siullermeerinninneq**

Siunnersuut Inatsisartuni siullermeerneqarnermini taperserneqarluarpoq.

**Tusarniaaneq**

Siunnersuut juunip ulluisa qulingiluaanniit 2022 juulip ulluisa arfineq aappaannut 2022 tusarniaassutigineqartoq Naalakkersuisut ilisimatitsissutigaat. Tusarniaanermiit saaffiginnissutit inatsimmut oqaaseqaatini ilangussaq 2-mi nassuaatigineqarput. Tusarniaafffigineqartut akissuteqaataannut Naalakkersuisut tigusilluarsimanerat ataatsimiititaliap maluginiarpaa.

**Ataatsimiititaliap siunnersummik suliarinninna**

Siunnersuummut nassuaatini immikkoortoq 2.2 innersuussutigineqarpoq, matumani siunnersuutip imarisaa sukumiinerusumik nassuarneqarluni. Annertusisamik nalunaartussaatitaanermi suliffeqarfait inulluunniit annertuumik misissuiffigineqarnissaannik aallartitsinissamut imaluunniit paasiniaanissamut assigisaannuluunniit pisussaaffik imaqanngitsoq Naalakkersuisut paassisutissiissutigigaat ataatsimiititaliamit immikkut maluginiarneqarpoq. Tamatuma aamma aningaasanik peqquserluutinik malunnarunnaarsaasoqarneranik pasitsaassisooqartillugu suliffeqarfik inulluunniit sullitaminut paasissutissanik tamatigut piniartarnissaanik isumaqanngilaq. Isumaqaannarporli suliffeqarfik inulluunniit naammaginartumik nalinginnaasumilluunniit misissuinermini ingerlariaqqissinnaanngikkuni Aningaasanik peqquserluutinik malunnarunnaarsasarnermut allaffeqarfimmut (Hvidvasksekretariatet) nalunaaruteqassasoq.

**Siunnersuutip aningaasaqarnikkut kingunissai**

Siunnersuut pisortanut, inuussutissarsiornermut innuttaasunullu malunnaatilimmik kinguneqarnavianngitsoq Naalakkersuisut ilisimatitsissutigaat.

**Ataatsimiititaliap inassuteqaatai**

Ataatsimiititaliap isumaqatigiittup siunnersuutip akuerineqassasoq inassutigaa

Ataatsimiititaliap taama oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.



Mariane Paviaisen  
Siulittaasoq




---

Aqqalu Jerimiassen  
Siulittaasup tullia




---

Lars Poulsen




---

Knud Mathiassen



---

Pele Broberg



---

Hans Aronsen



---

Dines Mikaelson